

Poaⁿ chhùi gím

Ek

Kō kap Só

Kō khiàm soh, beh kā só ka soh.

Só bō só,
beh kā kō chioh só.

Só kóng i ū soh,
kiò kō lâi ka soh.

Kō kóng i ū só,
kiò só lâi thèh só só só.

Chhiò A-sioh

Sió A-sioh, Sè A-sioh,
Kim-ki phòe gèk-hiòh,
Seng-khu ūng-saⁿ chhioh,
Chiò-kiàⁿ chiò bē tiòh.
Thiⁿ bōe kng, ke bōe kiò,
chē kiō beh bán kiô.

“Hóe-sio, hóe-sio----“ kòe tiàu-kiô,
Kiô tiô kiô tiòh iô, kiô iô ki tiòh kiò,
Kiô kiò kiô iô, Kiô kiò kiô tiô,
Kiô-lâi ái-iò ái-iò,
Kiô-gôa hé-siò hé-siò.
Ái-iò kiò hé-siò mài iô.
Hé-siò kiò ái-iò mài-kiò,
Ái-iò Hé-siò, Hé-siò ái-iò.

Kòe khe tñg gôa-ke

A-hoe..a lám tiòh bóc hōe, kóng beh kòe khe tñg khì gôa-ke. Kiâⁿ kàu chít tiâu ke, tú tiòh biō-hōe, ke-lō ēh koh kheh, sì kè pâi tàⁿ-á teh bé-bē. Ú hoe ū koe, ū ke ū kóe, hōe-sek chiâu-chê, mih-kiâⁿ chin ché. Seng-lí-lâng chiâⁿ hó chhùi-hoe, chio A-hoe tiòh kā bé. Bô tiuⁿ-tî ke chit ê lêng-pák օ-péh poe, chhéng tiòh kóe, thún tiòh hoe, lòng phòa koe, chèng-lâng khòaⁿ kah bák-chiu hoe-hoe-hoe.

Kâu kap káu

Chit chiah kâu, chin chiâⁿ gâu, chhōa chit tîn kâu-á khì bán tâu-á. Chit chiah kâu chin chiâⁿ lâu, iā chhōa chit tîn kâu-á khì chiâh pau-á. Hit tîn kâu-á kap hit tîn kâu-á, kiâⁿ kâu âu-piah kau-á, tú tiòh lâng teh pàng phàu-á. Kâu-á khì lòng tiòh kâu-á, kâu-á khì that tiòh kâu-á. Kâu-á iōng tâu-á khian kâu-á, kâu-á iā iōng pau-á khian kâu-á. Kâu-á pûi, kâu-á háu, m̄-chai sî kâu-á kiaⁿ kâu-á, á-sî kâu-á kiaⁿ kâu-á. Kâu-á châu, kâu-á iā châu. Kui tiâu kau-á lóng sî tâu-á kap pau-á.